



UNIVERSITÄTS-
BIBLIOTHEK
PADERBORN

Universitätsbibliothek Paderborn

Cura Salvts, Sivæ De Statu Vitæ Mature ac Prudenter Deliberandi Methodus

Hevenesi, Gábor

Coloniae, 1716

VD18 13912755

Considerationes contra stabilitatem.

[urn:nbn:de:hbz:466:1-50144](https://nbn-resolving.org/urn:nbn:de:hbz:466:1-50144)

ut publico maximè utilis est, ita etiam
utinam plures sibi magis haberent com-
mendatam.

Considerationes contra stabi- litem.

1. **P**erpetuitas superiorum; cum enim
non mutantur, possent fieri de-
spotici; quid si antipathici tecum?
quanta crux; nisi tu, aut illi morian-
tur. Quorsum appellabis?

2. Perpetuitas sociorum parit nau-
seam & tædium. Quid si vel unicus
tibi sit contrarius? nec cum, nec sine
illo potes vivere; quid si multi mirabi-
les, laxi?

3. Perpetuitas loci ejusdem est gravis,
potest vel naturæ tuæ displicere, vel va-
letudini obesse, vel per se odiosa esse.

4. Perpetuitas chori & earundem
tota vita occupationum ingens facit
fastidium.

5. Vita hæc commodior esse videtur,
quàm ut sufficiat ad impediendas vel
vincendas tentationes, maximè apud
illos, qui, quod DEUS avertat, habi-
tuati eam assumerent.

6. Studiorum & talentorum nullus
ferè usus, tum quod hæc non æstimen-
tur

tur

tur in coenobiis, tum quod hæc in locis minus celebribus sita, occasionem iis utendi eripiant.

7. Vita, præter Chorum & Missam otiosa, quæ facile vitiosa esse solet, est occasio discordiarum, scissionum, maximè cum electio Prælati fiat per Capitularium suffragia.

8. Si quem ad Parochias, aut bonorum præfecturas ire contingat, eadem illi, quæ Ecclesiasticis, pericula imminet; fit præter vestem facile sæcularis. Crescit obligatio conscientiae, dum cura animarum ex iustitia assumitur. In talibus Cænobiis datur occasio ambitioni, ex qua quàm pronum est, ut oculis hominum quis plus quærat satisfacere, quàm DEI beneplacito? Ineuntur amicitiae, foventur donis, muneribus, defectuum alienorum dissimulatione, dum quisque alterum offendere cavet.

Considerationes circa Ordines mutare solitos Domicilium.

I. **M**utatio frequens superiorum facit, ut hi scientes potestatem suam non fore diuturnam, magis paternè agant; aut si fortè videantur in

I 3

ali.